

ქ. თბილისი

სატენდერო კომისიის სხდომას თავმჯდომარეობდა: სამსახურის საფინანსო უზრუნველყოფისა და ლოჯისტიკის დეპარტამენტის უფროსი გ.კოპალიანი. სატენდერო კომისიის წევრები: სამსახურის საფინანსო უზრუნველყოფისა და ლოჯისტიკის დეპარტამენტის უფროსის მოადგილე: ზ.ჯიბლაძე; სამსახურის საფინანსო უზრუნველყოფისა და ლოჯისტიკის დეპარტამენტის სახელმწიფო შესყიდვების სამმართველოს უფროსი (სხდომის მდივანი) მ.სიჭინავა; სამსახურის საფინანსო უზრუნველყოფისა და ლოჯისტიკის დეპარტამენტის მომარაგების სამმართველოს უფროსი შ.ლობჯანიძე.

სატენდერო კომისიის სხდომას არ ესწრებოდა სატენდერო კომისიის თავმჯდომარე: სამსახურის უფროსის მოადგილე ა. ონოფრიშვილი;

სატენდერო კომისიის წევრები: სამსახურის სახანძრო-სამაშველო ძალების დეპარტამენტის უფროსი ა.ხვადაგია; სამსახურის საფინანსო უზრუნველყოფისა და ლოჯისტიკის დეპარტამენტის უფროსის მოადგილე: გ.გაგოშიძე;

სატენდერო კომისიის აპარატის წევრი: შესყიდვების სამმართველოს უფროსის მოადგილე: ნ.როსტომაია.

დ დ ს წ ე ს რ ი გ ი

საგანგებო სიტუაციების მართვის სამსახურის მიერ, მეხანძრე-მაშველებისათვის მაღალყელიანი ფეხსაცმლის (CPV-18800000) მრავალწლიანი შესყიდვის მიზნით, სატენდერო კომისიის მიერ ელექტრონული ტენდერის სატენდერო დოკუმენტაციის განხილვა და დამტკიცება.

მოისმინეს:

სატენდერო კომისიის წევრის მ. სიჭინავას ინფორმაცია, სააგენტოს ლოჯისტიკის სამმართველოს მიმდინარე წლის 21 ივნისის №36433 პატაკისა და საგანგებო სიტუაციების მართვის სამსახურის საფინანსო უზრუნველყოფისა და ლოჯისტიკის დეპარტამენტის სახელმწიფო შესყიდვების სამმართველოს მიმდინარე წლის 07 აგვისტოს №54007 სამსახ. ბარათის საფუძველზე, სამსახურებრივი საჭიროებიდან გამომდინარე, მეხანძრე-მაშველებისათვის მაღალყელიანი ფეხსაცმლის SPA მრავალწლიანი ელექტრონული ტენდერის მეშვეობით შესყიდვის შესახებ, სავარაუდო სახელშეკრულებო ღირებულებით 632 000 (ექვსასოცდათორმეტი ათასი) ლარი დღგ-ს გარეშე. შესაბამისად მომზადდა სატენდერო დოკუმენტაცია და წარმოდგენილ იქნა სატენდერო კომისიის სხდომაზე დასამტკიცებლად.

აღნიშნულ შესყიდვასთან დაკავშირებით ივნისის თვეში ლოჯისტიკის სამმართველოსთან აქტიური კონსულტაციების შედეგად შემუშავდა ევროპული სტანდარტის ტექნიკური სპეციფიკაციები, რომელიც გამოირჩევა მაღალი ხარისხით, არის ადაპტირებული და გააჩნია ექსპლუატაციის ხანგრძლივი საგარანტიო პირობები (არანაკლებ 2 წელი). ბაზრის კვლევაში მონაწილე ორი კომპანიის მიერ მოწოდებული ფასის ანალიზის საფუძველზე, ფასების მოწოდების შემდეგ, ლარის კურსის უცხოურ ვალუტასთან მიმართებაში მდგომარეობის

ცვლილებებისა და იმის გათვალისწინებით, რომ საქონლის ექსპლუატაციის ხანგრძლივი საგარანტიო პირობები საფუძველად ედო ფინანსური და ადმინისტრაციული რესურსის დაზოგვას (ვინაიდან ადრე არსებული კონცეფციით, ორი წლის განმავლობაში თითო მეხანძრე-მაშველის ფეხსაცმლით უზრუნველსაყოფად ხარჯი შეადგენდა 250 ლარს, ხოლო მოცემული კონცეფციით, ორი წლის განმავლობაში, ზემოაღნიშნული ხარჯი შეადგენს 187 ლარს), შესყიდვის ობიექტის სავარაუდო სახელშეკრულებო ღირებულება განისაზღვრა 748 000 (შვიდას ორმოცდარვა ათასი) ლარის ოდენობით.

აღნიშნულიდან გამომდინარე სააგენტოს ლოჯისტიკის სამმართველოს მიმდინარე წლის 21 ივნისის №36433 პატაკის და სახელმწიფო შესყიდვების სამმართველოს 22 ივნისის N36579 სამსახ.ბარათის საფუძველზე მიმდინარე წლის 22 ივნისის გამოცხადდა ელ.ტენდერი **SPA180005746** რომელიც არ შედგა.

შესყიდვის შემდგომი ღნისძიებების განსახორციელებლად სახელმწიფო შესყიდვების სამმართველოს მიერ, ბაზრის კვლევის სამუშაო რეჟიმი გაგრძელდა ევროპულ ბაზარზე არსებულ სახანძრო-სამაშველო ყველა სხვა განახლებული (EN ISO 20345:2011 / EN ISO 20347:2012/ EN ISO 20345:2011) სტანდარტის მქონე ფეხსაცმლის მწარმოებელ კომპანიებთან, გამოკითხული კომპანიებიდან "Grisport"-მა მზაობა გამოთქვა წინა ბაზრის კვლევის შედეგად დადგენილ ფასად მონაწილეობა მიიღოს აღნიშნულ ტენდერში. სავარაუდო სახელშეკრულებო ღირებულებით 632 000 ლარი.

ვინაიდან შემსყიდველი ორგანიზაციის მხრიდან ხელშეკრულების შესრულების უზრუნველყოფის გარანტიის მოთხოვნა, როგორც წესი იწვევს საბანკო დაწესებულების მიერ რისკების შეფასებას, რაც მოიცავს კომპანიის გადამოწმებას (ამონაწერი საჯარო რეესტრიდან, ინფორმაცია დამფუძნებლის შესახებ, ინკასო, ყადაღა და ა.შ.). აღნიშნულის გათვალისწინებით მოცემულ ტენდერში არ მოითხოვება სარეგისტრაციო/უფლებრივი მონაცემების ამსახველი დოკუმენტ(ებ)ის წარმოდგენა.

განიხილეს:

სატენდერო კომისიის წევრებმა წარმოდგენილი დოკუმენტაცია და განაცხადეს, რომ წინადადების მიღების ვადის დასრულებისთანავე, ტენდერზე წარმოდგენილი პრეტენდენტის სატენდერო წინადადება, სატენდერო დოკუმენტაციასთან შესაბამისობის დადგენის მიზნით, მიზანშეწონილია გადაეგზავნოს შესაბამის სამსახურს.

კომისიამ დაადგინა:

1. „სახელმწიფო შესყიდვების შესახებ“ საქართველოს კანონის მე-12¹ მუხლის მე-4 პუნქტის შესაბამისად დამტკიცებულ იქნას სატენდერო დოკუმენტაცია.

2. დაევალოს სატენდერო კომისიის აპარატს „სახელმწიფო შესყიდვების შესახებ“ საქართველოს კანონის 12¹ მუხლის მე-2 პუნქტისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის მე-16 და მე-17 მუხლების შესაბამისად

უზრუნველყოს ტენდერის ჩატარების შესახებ განცხადების და სატენდერო დოკუმენტაციის ქართულ ენაზე განთავსება სახელმწიფო შესყიდვების ერთიან ელექტრონულ სისტემაში.

3. სატენდერო დოკუმენტაცია დანართის სახით თან დაერთოს სატენდერო კომისიის სხდომის ოქმს.

4. აღნიშნული გადაწყვეტილების გასაჩივრება შესაძლებელია სახელმწიფო შესყიდვების სააგენტოს თავმჯდომარის 2015 წლის 27 თებერვლის №1 ბრძანებით დადგენილი წესის მიხედვით, ერთიანი ელექტრონული სისტემის შესაბამის ვებში არსებული სისტემური ღილაკის მეშვეობით (<https://tenders.procurement.gov.ge>).

სატენდერო კომისიის თავმჯდომარე:

ა.ონოფრიშვილი

სატენდერო კომისიის თავმჯდომარის მოადგილე:

გ.კოპალიანი

სატენდერო კომისიის წევრები:

ა.ხვადაგიანი

გ.გაგოშიძე

ზ.ჯიბლაძე

მ.სიჭინავა

შ.ლობუანიძე

სატენდერო კომისიის აპარატის წევრი:

ნ.როსტობაია



საქართველოს
ფინანსთა სამინისტრო
Ministry of Finance
of Georgia

N 04-02/78724
18/06/2018



78724-04-02-2-201806181631

საგანგებო სიტუაციების მართვის სამსახურს

თქვენი მიმდინარე წლის 12 ივნისის N ES 2 18 00034199 და N ES 2 18 00034202 წერილების პასუხად გაცნობებთ, რომ საქართველოს ფინანსთა სამინისტრო თანახმაა მრავალწლიანი სახელმწიფო შესყიდვა განახორციელოთ იმ შემთხვევაში, თუ თქვენს მიერ:

- სახანძრო შეიარაღების შესასყიდად 2018 წელს გათვალისწინებულია 238 960 ლარი, ხოლო 2019 წელს გათვალისწინებული იქნება 621 740 ლარი;
- მაიზოლირებელი შეკუმშული ჰაერის აპარატებისა და პანორამული ნიღბების შესასყიდად 2018 წელს გათვალისწინებულია 446 000 ლარი, ხოლო 2019 წელს გათვალისწინებული იქნება 208 320 ლარი;
- 4 000 წყვილი მაღალყელიანი ფეხსაცმლის შესასყიდად 2018 წელს გათვალისწინებულია 370 000 ლარი, ხოლო 2019 წელს გათვალისწინებული იქნება 410 000 ლარი.

გიორგი კაკაურიძე

მინისტრის მოადგილე